

مکرمات الخیل

❁ ادبی و سیاسی رسالهٔ اسبوعیه در ❁

۳۱ نجی سنه

۲۲ جمادی الاولی ۱۳۳۰

❁ پنجشنبه ❁

جلد : ۱۴ - جزو : ۱۴۵



انواع مختلفهٔ حرب

(مابعد عن جزؤ ۱۴۴)

حال حاضر حربلری صورت عمومیهده ملی حربلردر، چونکه آنلر یالکنز منافع حیاتیہ اقوام ایچون قوای ملیهنک صرفی ایله اجرا اولمقدهدرلر . سوسیال دهموقراتلر حرب به « قتال کتله » ، « قصابلق » تسمیه ایدیورلر ، سردارلغه دخی قتال کتله صنعتی ، عسکردهه باربار ، قاتل کتله نامی ویرمکدهدرلر . بوندن مقصدلری ایسه انقلابی سرعتله حصوله کتیره سیک ایچون اردوی دائمی ضبط وربطنک انحلال واختلالی در .

- هر نه قدر ایچلرنده پک چوق انقلابیچلرده موجودسهده محبان صلح بر فکر نجیب تعقیب اتمکدهدرلر ؛ فقط سوسیال دهموقراتلرک لسانی ایله کسب اعتیاد ایتشلردر . قهرمانلق ، سردارلق ، عسکرلکک قدر و قیمتنی تنزیل وتذلیله کال شدتله چالیشلقددر .

محال اولان برقاعده « پرنسیپ » ایچون (جهل سالفه ایله مقایسه اولنسون) مجادلات ومساعدیه بولنیورلر . بالجله تحریکاتده ، صلح اجتماعلرنده آلمان اولمیان اعضالری آرمسنده اکثریا آلمانیاپه قارشى برکین وعداوت حکمفرما اولمقدهدر . حکومات مستقله آرمسنده - (سن بیهر) و (قانت) ک نکلیفی وجهله - اتحاد وجوده کتیرلمسی حربک وقوعنی منع ایدمز . (اسویجره اتحاد خصوصی حربی . آمریکا تفرقه حربی ؛ ۱۸۶۶ حربی ؛ ممالک مختلفهده حرب داخلیر .) . بینالملل محکمهٔ حاسمه ایسه حربی هیچ منع ایدمز . (۹ نجی فصلک نهایتره طوغری اولان صحیفهلری ایله مقایسه اولنه) .

بر مصالحه ابدیه جهانی بر واسطه تحریک و انکشافیه دن محروم ایلر + و بوندن طولانی یک چاپوق تفسخ و تعفنه . اضمحلال و خرابیتسه ، قانلی بر فورانه ، هرج و مرجه سوروکار .

*

خاتمه

بر دفعه دهها تکرار ایدم ، بو کتابی یازیشمز محبان مصالحه ناک مساعیسی ایله سوسیال ده موقراتلر طرفندن ایراد ایدیلان نطقلرک حربی سطح جهانندن قالدیره بیله جکنه اعتماد ایدیشمز دن دکلدر ؛ زیرا حرب بر عنصر قدیم اولوب اسکیلر کونش ، صو ، آتش ، محبت گبی آکا الهلق عطف واسناد ایتمکده ایدیلر . احتمالک بوکا قارشی شویله اعتراض ایدیلیر . اگر سن بو فکرده ایسه ک اجراسنی ساکنانه حواریون صلحه ترک ایتمک ایله انسانیته دهایی خدمت ایتمش اولورسک . نتیجه سنک نه اوله جفنی کورمک ایستهرز . - بو یک اینی سولیتش برسوز اولوردی ، فقط ملتیزک حسیانسه ، قابلیت واستعداد تفهم وادراکنه اجرا ایله جکی تاثیرات تغلیطکارانه و بو وجهله بادی اوله جفنی قوای معنویه تناقصسه قارشی - طبق سوسیال ده موقراتلر ایله محبان صلحک نظریه لری گبی ذوق و صفا واستراحت و رخاوت ایله یاشامق و عالم مادیات ایچنده پویان اولمق مدت دوام ایدم جکندن - مقابله لازمده بولمق بر ضرورت و مجبوریّت تشکیل ایتمشدرکه کتابمیزی تحریردن مقصد دخی بوندن عبارتدر . -

معارضلینه قارشی اکثریا استعمال ایلدک لری گبی بر استهزای خفیف ایله ، آنلرک مدعیانسه قارشی بسیط بر خبر دیمک ایله میدانسه وضع ایدیلان « صلح نظریه سنک » عدم سختنی ایضاح و تنویر ایتمک بزم ایچون اک اینی مقابله و مجادله دن عبارتدر .

الحاصل برده استعمال ایدلمکده اولان « کتله » انسان قصابانی « تعبیر فضیح و معیوبنک قارشوسنه بر بشقه شکل و صورت اقامه ایلمکدر .

منفعت ذاتیه ایچون pro domo بر عسکر یازمقدمه و مادهی یالکیز یکجهت اولان نقطهٔ نظردن تدقیق ایلکده در کبی اعتراضلره قارشى بن حاضرلاغش بولمقدیم . چونکه بن دخى برنجی و یلهلمک دورهٔ عظمتیه منسوب « قصابلر » دن ، « کتلهٔ بشر قاتللرندن » بری بولمقدیم .

فقط حربک ماهیتیه ، آنده کی حسابات بشریهیه ، آنک طبایع بشریه اوزرینه اولان تأثیراتنه اڭ اى حکمی کیم اعطا ایدمیلیر ؟ شبهه سز حربده بولغش ، اوراده کی وقایع و سرگذشتلری تفکرات ایله تمیقاتده بولغش اولانلر . — ایدى اى محاربیلر ، ناقابل نسیان بیوک قیصر و سردارمزك آرقداشلری ! برنسل حدیدك سینیه حیثیگزی تزیین ایدن نشان حدیدی ایله افتخار ایدیگیز . انقلابه قارشى برسد سدید و کنجلره نمونهٔ امتثال اولکیز .

ای آلمان شبابی ! سنک ایچون اثرلرینه اقتفا ایتک ایسته دیکک او قهرمانلق طلمک قراللری اولان لوتر ، فرهدریق ، له سینغ ، گوته ، شیللر ، فیخته ، شتاین ، بلوهر ، وبلهلم ، بسمارق ، مولتککلرک بدیعته خیالیه سنی قلبنده محافظه ایت ؛ قوهٔ فعالیت صفا و راحت وعد ایدن ، انسانیت موعظه لرند بولان و فقط اعصابی اولدیرن ، سنی رخاوت و مسکنته سوق و تقرب ایدن نظریهٔ مجوٲ عنانک منفعته خادم ایتیه .

و رجال انقلابجویان ایله حواریون صلح اکثریا آلمان قادینلرینه خطاب ایله دیورکه : « محبتدن ، شفقتدن ، قتال کتلهیه نفرتدن بشقه سزك ایچون دها ائی نه وار ؟ استقبال والدمل طرفندن ابراز ایدیله جک تریهیه تابعدر ! » . شبهه سز آلمان نسوانی اولادلرینی خصومت ایچون دکل ، بالعکس محبت ایچون ، فقط وطنه ، آداب و عادات وطنه محبت ، وطنه فداکارلق ایچون تریهیه ایدم جک و فداکارلق زمانى بالذات کندیلری ایچون حلول ایلدیکی زمان آڭا عظمت روح ایله تحمل ایله جکلردر .

اونامک وارثی اولدک که اجتماعدی باباک احراز
چالیش ، عین اصالتله یارین اولق ایچون ممتاز
طلب ایلر ایه اولمک ، آنک کبی وطن برکون
بلا خوف و لا مهلت حیاتک ایله سن ابراز

ایشته « الحان والواح حیات » ده (۱) زوجی محاربه ده وفات ایدن برطول
قادرینک اوغلنه خطاباً سویلیدیکی کلمات بونلردن ؛ بونی برشاصر سویلیور . عین
زمانده فرانسز و آلمان ، حقیقی محبت بشریه ایله منجلی بر جهانداش (قوزموپو -
لیت) ؛ زوجک حال رحلتده . قهرمانلق شعرنده حیات نسویتی ایشته بویله
طنین انداز ایلور .

شمدی تکمیل ملترک برچوق اعظم فکریه سننک قابل تردیف اوله بیلان
سوزلری ایله برابر بوکلماتک یانه بر جهندن قهرمانلغه قارشى مذهب کلیونه
یا قیشیر صورتده واقع اولان او تحقیرات متذللانینی دیگر طرفدن حریت وسعادت
مستقبله نغمه علویه سی عدایتدکلی موعظ رخاوت ومسکنتی وضع ومقایسه
ایلیکیز !

کیفت انتخاب کوچ اولماز !

*

احوال حاضره . فرانسه نك انتقام پولیتیکه سنندن و آلمانیا نك بر هجوم
اجراسندن موافقت عمومیه ایله واز کچمسندن حصولیاب اولمشدر .
مصارف عسکریه نك تقلیلی ایسه اول امرده بریوک حربك اجراسندن
و فی الحقیقه یالکیز احوال سیاسیهدن طولانی تحصیل ایلان غیر طبیعی کرکینک
برطرف ایدیله جك درجده دوشو نیله بیلیر . بالعکس اردو تشکیلاتی دایما اول
وجهله اجرا ایدیلیدرکه تکمیل ملت ایچون مکلفیت عسکریه نك عمومیتی باقی
قالسون ؛ واقعا اوزون مدت مصالحه دوره سی حاصل اوله بیلیر ، فقط دایما ینه
اوله مسائل سیاسییه تحدث ایلرکه آنلرک حالی عاقبت سلاح آلتیه جلب ایدمک
ایله ممکن اولور .

ملتمز ربع عصر مقدم رجال نادره سایه سنده عظمت سیاسییه سوق ایدمک
بختیارلغته مظهر اولدی . اگر قهرمانلغی تقدیس وتبجیل ایتمکی نسیان ایله جك

اولور سسحق محتمل الحلول اوله بیلان دورهٔ امتحانی قارشو لایه جق قدر حاضر لائش بولنه مایز .

۱۸۰۶ سنه سی مغلوب و مضحمل اولدق . ۱۸۱۳ سنه سی قامت نما اولدق + ۱۸۵۰ سنه سی بین الحوف والرجا بر حالده قالدق ، برنجی و یله ملک زمان عظمتی کوردک . مستقبلمه دخی دائماً کلمات آتیه نك بزه تطبیق ایدیله یلسنی آرزو ایدم رز :

Magna populi Romani fortuna , sed semper in malis major resurrexit !

رومالیرک نائل اولدق لری سعادت عظمایا ، ایچنه سقوط ایتدکلری مصیبت و بدبختی دن دائماً دهها عظمتلی اوله رق انکشاف ایتمکدن عبارتدر .

★

مدخل

آلمانیا دولتتک تکرار تأسسنی موجب اولان دهشتلی مجادله نك ختامندن اعتباراً جریان ایدن یگر می سنه ظرفنده اولدینی قدر ، کفه میزانک حرب ایله صلح آرمسندم تردد و اهتزاز ایلدیکی تاریخ عالمک هان هیچ بر دورم سنده واقع اولما مشدر . فرانسه نك ، استرداد ایتدی کمز ایالتلری بتکرار تسخیر ایتک آرزوسی ، شرقده کی جریان احوال ، روسیه نك آمال سیاسی ، اکثر اسلاو اقوامنك آغوشنده اختمار ایتمکده اولان احتراصات اوروپاده تسلیحات و تجهیزاتی امثالسنر بر درجه به سوق ایتمکه سببیت وردی .

اردونك لوازم و احتیاجاتی هیچ بر زمان حال حاضرده اولدینی قدر اقوامک حیات اجتماعی و ملیه سنه اجرای تأثیر ایتدی ، هیچ بر زمان وسائط حربیه نقطه نظرندن اصلاحات عدیده فیه یکر یکرینی بو قدر سریع اوله رق تعقیب ایلدی . الحاصل اقوامنك منافع حقیقه و یا محتمله سی ایچون دهها هیچ بر دورهٔ زمان ، شمادیکی قدر کتلات عظیمهٔ عسکریه یی حربیه سوق ایتمکه مهیا بولندیرمدی .

شوراسی ده بحق ادعا ایدیله بیلیر ، که بر حربک ملتله ، اردولره تحمیل

ایلدیکی مطالبانه لایقيله وفا ایدم چك صورتده شمیدی اولدینی قدر بیوک بر قوۋه .
فكریه هیچ بر زمان حال فعالیتیه کتیرلمدی . بوندن بشقه بر چوق مشهور عسکر
و مؤرخلرک مساعی نحریره سی دخی ترتیبات و تشکیلات عسکریه نك ماهیتی ،
فائده سی ، لزومی حقنده - بیوک بر مقیاسده اوله رق - ملتک هیچ اولمازسه
سوسیال دموقراتلرک نظریه سی ایله بونقطة نظرندن چیقماز بر صوقاغه صایمانلرک
فكرینی تنویر ایلک خصوصنده تأثیرات مهمه اجرا ایلدی و بتنویرات ایسه
مصلح و مسائل عسکریه نك پارلمانده صورت مساعدده و موافقهده مظهر معامله
اولمسنه ارجاع تأثیر ایلدی .

مع مافیه تمادیا کتدکجه تزايد ایدن بوانکشافات عظیمه و تهدیدکارانه به و پک
دهشتلی بر صورتده جسامت پیدا ایلان تسلیحاته رغماً اورویانک منظره خارجه سینه
بستون مخالف اوله رق بالخاصه آلمانیا و ایستالیاده بر فکرک حکمفرما اولدیغنی ،
جریانلرک موجودیتی ، بشقه یولده دوشونشلرک تظاھر ایلکده بولندیغنی
کورمکده یز .

بونک سبب اصلیمی اؤل امرده محافظه اسایش آرزوسیدر .

بوده اسباب مختلفه دن نشأت ایتمکده در .

حرب تخریباتی داعی اولور ، ثروت و نقدی استهلاک ایلر ، تجارت و مبادلاته
مانع اولور ، زراعتی سکتهدار ایلر ، هر نوع مشاغل و تشبثانده فعال اولان بر
چوق انسانلرک غیوبت و یا وفاتندن طولانی نقصان بولغلیری او ایشلرک وقفه کیر
سکون اولمسنی و یا بستون معطل قالمسنی انتاج ایلر و بو وجهله جانبجا تحدرت
ایله بیلان بیلک درلو محاذیر ماده تعداد اوله بیلیر .

حرب مصائب و سفلاتی مؤدی اولور و بونلرک تأمیری ایسه یالکیز مجادله
ایتمکده بولنان محاربلره دکل ، بالعکس آنلرک عالمه لرینه و حتی تکمیل ملتده شامل
بولنور .

حربک نتیجه سی مشکوکدر . آنده بر ملتک موجودیتی مخاطره ایجنه
دوشه بیلیر . -

ایشته بونلر رؤسای اقوامه و بالذات ملتله ، ممکن اولدینی تقدیرده بجه حال حربدن اجتنابی کندیلری ایچون وظیفه اتخاذ ایتدیرمکه شایان اسباب کافیه در ؛ فقط حال حاضر بوخصوص دها بیوک برمقیاسده اوله رق طلب ایلکده در . — مکلفیت عسکریه عموم ملتله شاملدر ؛ تکمیل ملتی حوزهٔ تأثیری داخلنه چکمکده در ؛ اردو کتلاتی ، اعاشه و اداره لری پک مشکل اوله جق صورتده جسمیدر . مستقبلده حربک نصل بر شکل و صورتده اخذ ایدمچی مجهولدر . حتی اڤی متخصص بیلله براز صحته قریب احتمالات داخلنده بر شکل کافیسنی تصور و تصویره مقتدر اوله ماز .

بعضیلری ضربهٔ قطعیه نڭ سریعاً حواله ایدیلله بیلله چکنه اعتماد و برطاقلری دخی حربک اوزون مدت دوام ایدمچکنه اعتقاد ایتکمکده درلر ؛ قسم اعظمی ایسه اسلحهٔ جدیده نڭ تأثیراتی پک دهشتلی تصور ایتدکلرندن تلفاتکڭ شمعی به قدر اولانله نسبتاً دها عظیم اوله جقنه قناعت ایتکمکده و دیگر برطاقی ایسه — آنلر میاننده بزده داخلز — بشریته مخصوص محافظهٔ نفس ساقهسی تلفاتکڭ ، شمعی به قدر واقع اولان مقدارینک تجاوز ایللمسی ایچون تداییر مقتضیه به توسل ایتدیرمچکنه قانع بولمقده در .

بویله کتله لړک مشکل اداره اولدینی — اعتراف ایدلدی ! فقط صحرا (حرب) تلغرافی ، تلفون ، ثابت بالون و سائط معاونهٔ قویه اولیه جقلمی ؟ — اعاشه خصوصی بر مسئله در ، لکن تیمور یوللری ، قونسروه فابریقه لری بومسئله یی حل ایتیمه جکلرمی ؟ ایشته سؤال و جوابلر بووجهله حال موازنتده قالمقده اولدکلرندن طولانی برچوق کیمسه لر ایچون حرب بر مظلّم ، تهدیدکار ، استتار ایتمش و خیالت کچی کورونمکده در . حرب ، اسرار انکیز ماهیتی و شمعی به قدر امثالی غیرمشهود دهشت مخفییه سی ، حاصلی بنجهٔ آهین دهاشی ایله اوروبایی احاطه ایدمچک و نمرهٔ مدینتمزی تخریب ایلیمه جکلدر . —

هر حالده رؤسای حکومت بالاده عرض اولنان احوال و مناسبات قارشوسنده اعلان حرب به قرار ویرمده دن اول اوچ مثلی دها زیاده دوشونمکه مجبور اولورلر .

لکن ملتزم دخی طبق حسیاتی ، افعال و حرکاتی همان هیچ بر زمان طریق
 مستقیم اوزرنده بولند بر میان و اق طریق اوزرنده آهنگ موازتی محافظه به مقتدر
 اوله میان اشخاص منفرده کبیدر لر . طرفزدن در میان اولوب عقل و حسی ایله
 درک اولنان اسباب : میل استراحت و سهولت ، جبات ، مهم بر حس انسانیت ،
 الحاصل تعصب سیاسی دن طولایی کندی مقصد لرینه خادم قیلنه جقدر . آرزوی
 صلح بوندن طولایی بر تمنا و علامت اوریله جقدر ، که بو ، ملتزم ک حسیات و افکارینی
 بر طریق ناصوابه سوق ایتک تهلکه سنی داعی اولور و حیات حکومت و ملت
 و بونکله برابر حربه دار اولیله تلقینات و احساساتده بولور ، که بونلر بالخاصه
 اکتساب ایلش اولدیغمز موقع و قدرت سیاسی دن تنزل و سقوط طمزدن بشقه
 بر شیئه خادم اولماز . فقط یالکمز بونی ضایع ایتکله قالدماز ، بالعکس مشاهیر
 رجال افعال و اقوال طرفندن ، موجودیت بشریه نک کافه جهاتی ، بالجله بشریه ،
 جهان حکمفرما اولوب آنلری جانلاندیران قوتلری صورت متساویه و محققانده
 تدقیقاتده بولنان و آنلری میلیونلرجه عصرلر اشکال ذیروحانده اوله رق کوز
 اوکنده طور مق اوزره وضع ایدن اوق فکر قهرمانلری طرفندن اصعاد ایدلایکمز
 نقطه علویه فکریه دن سقوط طمزی دخی انتاج ایدر .

[مابعدی وار]

محمد رشدی

